

無所著普於十方永離礙惑具足成就不可壞力滿足一切功德境界得一切種法得深樂法得虛空平等金剛善根出生一切諸妙音聲一切世間常轉法輪未曾失時佛子是為菩薩摩訶薩第十如虛空忍若菩薩摩訶薩成就此忍得無來身以無法故得不生身以

不滅故得不聚身以無散壞故得具足不實身以無具礙故得一相身以無相故得無量身以佛力無量故得平等身以如相故得不可壞身以等觀三世故得至一切處身以淨眼普照無障礙故得離欲際身以一切法無合散故得虛空際功德藏以無盡故得無窮盡

平等法辯以一切法性如虛空一性故得無量無礙微妙音聲以無礙如虛空故得清淨具足一切菩薩行巧妙方便以一切法無礙清淨如虛空故得一切佛法海以不可斷如虛空故得受持一切佛刹以無量如虛空離貪欲故得一切法示現自在未曾休息以堅

固如虛空故得不可壞堅固法身以如虛空能持一切世間故具足成就不可且壞金剛諸根以一現一切世間成敗故得具足力能持一切世間以受持智等如虛空故佛子是為菩薩摩訶薩十種忍亦時普賢菩薩欲重宣此義為諸菩薩以偈頌曰

十五

大方廣佛華嚴經卷第二十九

問五

大方廣佛華嚴經卷第三十

問六

東晉天竺三藏佛陀跋陀羅等譯

十忍品第二十四之下

譬如世有人 聞有寶藏處 聞已大歡喜  
寶藏可得故 如是大智慧 菩薩真佛子  
佛深寂滅法 聞已大歡喜 聞彼深法已

其心不恐怖 亦不生驚畏 不退亦不沒

菩薩向菩提 聞此寂滅音 堪忍寂滅法

於彼不生疑 我作一切智 天人尊導師

以聞甚深法 其心堪忍故 彼聞寂滅音

踊躍大歡喜 一心樂專求 一切諸佛法

修習調伏心 正直求菩提 長養諸善根

而不壞法性 堪忍寂滅法 隨順彼音聲

修習菩薩行 安住音聲忍 轉求勝妙道

出生諸善法 精進不退轉 究竟成菩提

聞此妙音聲 菩提心清淨 得勇健善根

令諸佛歡喜 譬如功德人 獲大珍寶藏

隨順身所宜 造諸莊嚴具 慧者亦如是

聞此深法義 增廣智慧海 隨順求諸法

決定隨順法 分別無所有 隨順於真如

得彼真實法 得淨自在心 明徹大歡喜

解了一切法 悉從眾緣起 修習平等法

分別性非性 不壞佛法藏 正覺一切法

正直心堅固 莊嚴淨菩提 不動如須彌

一向求佛道 修習深三昧 精進不懈怠

無量劫修行 未曾有退失 最勝甚深海

究竟到彼岸 盡諸法源底 遠離眾恐怖

等心觀諸法 如無等所說 成就隨順忍

平等智滿足 具足順忍門 順佛之所說

隨順真實智 不分別法相 三十三天中

彼諸天子等 共一寶器食 所食各不同

諸天種種食 不從十方來 隨彼所修業

自然食在器 菩薩亦如是 觀察一切法

悉從因緣起 不生亦不滅 若法不生滅

是法不可盡 了達其成敗 清淨不可壞

實際不可壞 悉寂滅如如 金剛願饒益

具佛無礙智 專念寂滅法 其心未曾離

隨順世間行 長養大悲願 具足諸願力

不著於世間 成就甚深智 隨順廣說法

是名無生忍 解諸法無盡 了達悉如如

法界無所起 菩薩住此忍 一切十方界

現在無量佛 皆悉授彼記 樂觀寂滅法

問六

三

出生諸善根 一念達三世 調伏淨眾生  
觀察諸世間 解了悉如幻 寂滅無所有  
於彼無染著 諸色從心造 示現猶如幻  
虛妄非真實 一切有如幻 譬如工幻師  
四衢現眾像 眾生見歡喜 而實無所有  
世間亦如是 一切皆如幻 有無等諸法

了知悉虛妄 度脫一切眾 解了悉如幻  
善能平等知 眾生幻無異 眾生諸佛刹  
三世一切法 無量諸世間 悉了義如幻  
譬如工幻師 示現種種形 男女象馬牛  
園林花果等 幻無所染著 亦無有住處  
幻法無真實 所現悉虛妄 佛子亦如是

觀察諸世間 有無一切法 了達悉如幻  
眾生諸佛刹 種種業所造 覺悟如幻際  
菩薩摩訶薩 常樂寂靜法 深入真實際  
究竟住法界 於彼無所著 隨順向正法  
最勝法化生 善解一切想 纏網群生類  
想如熱時炎 令眾生顛倒 菩薩善知想

能離一切倒 世間各別異 形類悉不同  
佛子善明達 了想非真想 十方諸群生  
悉為想網覆 菩薩慧眼淨 善見世間想  
世間猶如炎 妄想取世間 能斷世間想  
則離三種倒 譬如熱時炎 眾生於遠見  
妄想謂為水 其實非真水 眾生亦如是

虛妄取世間 想如熱時炎 無礙心境界  
分別一切想 成就無礙智 想縛群生類  
勇健能解脫 遠離放逸慢 除滅世間想  
究竟盡無盡 無盡者方便 彼能解世間  
一切法如夢 夢性無方處 世間亦如是  
解法離虛妄 寂滅心無異 明了世間行

三世皆如夢 夢非生死法 非有亦非無  
三有悉如夢 寂滅心無縛 解世如夢性  
不依於世間 觀世間寂滅 不染著諸趣  
明見一切世 不虛妄顛倒 善解法如夢  
速得如夢忍 眾生於夢見 種種諸異相  
悉知從心造 而實無所有 智者如是見

衆生皆如夢	曉了如夢已	離一切虛妄
菩薩方便解	一切法如夢	夢性無真實
非一亦非異	衆生一切法	佛刹諸行業
菩薩悉明了	一切皆如夢	隨一切垢淨
悉能如實知	解知世如夢	不取虛妄相
菩薩所行行	一切諸妙願	明解悉如夢
於彼無所著	決定解諸法	及一切世間
菩薩能善知	其性皆如夢	世間生滅法
衆生去來相	解了淨如夢	其性無忘失
隨順如夢行	亦不壞世間	了達諸威儀
如修短無實	是名如夢忍	解了一切法
成就無礙智	度脫一切衆	菩薩摩訶薩
廣行無量行	出生於一切	正覺平等法
種種諸方便	解法真實相	諸法無去來
於彼心無著	一切衆生類	無量諸音聲
菩薩深覺悟	了之悉如響	菩薩知音聲
非是內外法	諦了諸音聲	一切皆如響
一切諸音聲	皆悉是虛妄	菩薩知非實

於彼無所著	菩薩悉觀見	十方一切佛
又聞彼如來	梵音演說法	彼諸大導師
廣說修多羅	菩薩聞法音	其心無所著
所聞聲如響	悉無所從來	分別一切智
善解無壞法	分別諸音聲	善解一切法
解聲非是聲	出無量淨音	觀察一切法
皆悉離音聲	種種語言際	悉能善了知
菩薩於衆生	了之悉如響	如是能深解
一切諸衆生	菩薩善隨順	明達語言道
解一切世間	種種諸音聲	了知音聲性
常樂寂靜地	明解諸世間	一切悉如響
猶如語言道	宣明種種法	衆生樂染著
虛妄之音聲	如彼音聲相	世間亦如是
衆生相亦然	眞佛子明覺	如此真實相
明智之忍力	令音聲淨妙	解世間寂滅
彼於三世中	了達語言道	不取虛妄聲
其心無所著		
寂靜定意爲世間	一向專求佛菩提	

未曾虛妄取世間  
觀察世間無有餘  
專求菩提為眾生  
不受一切世間生  
一切世間無所依  
解知眾生諸法性

心常欣樂寂滅法  
皆悉寂滅無自性  
具足智力大慈悲  
亦不解脫於世間  
亦復不離依世間  
於彼法性不染著

於諸眾生無所依  
於一切趣知實性  
甚且解法無有二  
其心不住諸世間  
所行不在世間外  
譬如水中電光色

問六

清淨解脫而無縛  
世間生死流轉法  
於不二法無所著  
又亦不離於世間  
了知諸法真實相  
彼色非內亦非外

菩薩饒益眾生故  
眾生無縛無解脫  
世間非內亦非外  
如是清淨離垢心  
具足智慧法燈明  
智慧成就不可量

演說世間無真實  
一切世間不可說  
如彼水中電光像  
隨順甚深微妙行  
成滿諸願不退轉  
常能饒益一切眾

安立眾生無畏法  
除滅一切諸障礙  
修習甚深法  
饒益一切眾  
此忍增妙智  
具足菩薩行  
深入寂滅法  
諸了悉如化  
示現無量行  
而實無所行  
勝地修菩提  
隨順如化行  
如化常寂滅  
菩薩行亦然  
了知眾生類  
及無量行業  
平等悉如化

解脫亦如是  
明解三世佛  
一切悉如化  
無量本行願  
化成諸導師  
大慈悲彌廣  
化眾生清淨  
清淨即是化  
化力持應現  
世間悉虛妄  
甚且解如化  
化性諸世間  
種種業莊嚴  
變化藏嚴飾  
究竟菩薩行  
隨世諸行業  
種種雜無量  
化是虛妄法

出生化虛妄  
菩薩所行法  
皆悉離虛妄  
化智海決定  
化印印世間  
化非生非滅  
智慧亦如是  
第十忍明觀  
清淨如虛空  
虛空眾生法  
等觀無別異  
智滿如虛空  
除滅諸障礙  
虛空性無雜  
世間亦如是  
成就空忍力  
如空不可盡  
境界如虛空

不取虛妄相 虛空無自性  
 虛空無種種 智力亦如是  
 無有初中後 虛空無異性  
 如是正觀法 皆悉如虛空  
 平等觀諸法 安住虛空法  
 虛空方便忍 調伏一切魔

世間亦如是 有性無性法  
 一方便莊嚴 觀世間虛空  
 猶如虛空性 菩薩智慧身  
 身性亦虛空 安住虛空智  
 佛子具足行 心安住忍力  
 真佛子善學 超成智慧力

隨順修菩提 深入此忍門  
 調伏一切惡 轉無上法輪  
 一切莫能知 調御師智海  
 謙下行菩提 得此深法忍  
 悉滿一切願 一切眾生類  
 悉可算其數 菩薩德難知

成此十種忍 一切諸眾生 無能知境界  
 大方廣佛華嚴經心王菩薩問阿僧祇品第二十五  
 尔時心王菩薩白佛言世尊所謂阿僧祇不  
 可量無分齊無周遍不可數不可稱量不可  
 思議不可說不可說不可說世尊云何阿僧  
 祇乃至不可說不可說耶佛告心王菩薩言

善哉善哉善男子饒益眾生故乃能問此如  
 來應供等正覺佛智境界甚深之義善男子  
 汝今諦聽我當說之尔時心王菩薩白佛言  
 世尊唯然善聽佛告心王菩薩言百千百千  
 名一拘梨拘梨拘梨名一不變不變不變名  
 一那由他那由他那由他名一鞞婆邏鞞婆

邏鞞婆邏名一作作作名一來來來名一勝  
 勝勝名一復次復次復次名一阿婆邏阿婆  
 邏阿婆邏名一得勝得勝得勝名一分界分  
 界分界名一充滿充滿充滿名一量量量名  
 一解解解名一此解此解此解名一離欲離  
 欲離欲名一捨捨捨名一聚聚聚名一通通

問六

七

通名一頻申頻申名一網網網名一衆  
流衆流衆流名一出出名一分分分名一  
分別分別分別名一稱稱稱名一持持持名  
一不顛倒不顛倒不顛倒名一不播不播不  
播名一正正正名一慧慧慧名一第一第一  
第一名一覺覺覺名一毗遮妬毗遮妬毗遮  
妬名一極高極高極名一妙妙妙名一羅  
婆羅婆羅婆名一訶梨婆訶梨婆訶梨名  
一解脫解脫解脫名一黃黃黃名一訶梨那  
訶梨那訶梨那名一因因因名一賢覺賢覺  
賢覺名一明相明相名一摩樓陀摩樓  
陀摩樓陀名一忍忍忍名一枝枝枝名一摩  
樓摩樓摩樓摩名一等等等名一離疑  
離疑離疑名一種種種名一不放逸不放逸  
不放逸名一摩多羅摩多羅摩多羅名一動  
動動名一到到到名一說說說名一白白白  
名一了了了別了別了名一究竟究竟究竟名  
一清涼清涼清涼名一阿羅阿羅阿羅名一

潮潮潮名一油油油名一祇邏祇邏祇邏名  
一味味味名一泥邏泥邏泥邏名一戲戲戲  
名一斯羅斯羅斯羅名一聚沫聚沫聚沫名  
一彌羅彌羅彌羅名一堅固堅固堅固名一  
風風風名一滿滿滿名一不可稱量不可稱量  
不可稱量名一根根根名一微細微細微細  
名一蓮華蓮華蓮華名一摩伽婆摩伽婆摩  
伽婆名一不可度不可度不可度名一醯樓  
醯樓醯樓名一語語語名一劫劫劫名一婆婆  
婆婆婆名一間間間名一無間無間無間  
名一離垢離垢離垢名一實勝實勝實勝名  
一彌羅覆彌羅覆彌羅名一遮摩羅遮摩

羅遮摩羅名一法法法名一波羅摩波羅  
摩波羅摩波羅名一決定決定決定名一流  
轉流轉流轉名一廣說廣說廣說名一無盡  
無盡無盡名一等等等名一真真真名一  
無我無我無我名一阿槃陀阿槃陀阿槃陀  
名一青蓮華青蓮華青蓮華名一數數數名

問六

八

一趣趣趣名一受受受名一阿僧祇阿僧祇  
 阿僧祇名一阿僧祇轉阿僧祇轉阿僧祇轉  
 名一無量無量無量名一無量轉無量轉無  
 量轉名一無分齊無分齊無分齊名一無分  
 齊轉無分齊轉無分齊轉名一無周遍無周  
 遍無周遍名一無周遍轉無周遍轉無周遍

轉名一無數無數無數名一無數轉無數轉  
 無數轉名一不可稱不可稱不可稱名一不  
 可稱轉不可稱轉不可稱轉名一不可思議  
 不可思議不可思議名一不可思議轉不可  
 思議轉不可思議轉名一不可量不可量不  
 可量名一不可量轉不可量轉不可量轉名

一不可說不可說不可說名一不可說轉不  
 可說轉不可說轉名一不可說轉轉余時世  
 尊為心王菩薩以偈頌曰

不可言說不可說 充滿一切不可說  
 不可言說諸劫中 說不可說不可盡  
 不可言說諸佛刹 皆悉盡末為微塵

悉於一一微塵中  
 悉能善於一念中  
 不可稱說諸劫中  
 不可說劫猶可盡  
 悉於一一微塵中  
 不可說劫猶可盡

問六

九

不可言說微塵中  
 皆共讚歎普賢德  
 設使一微毛端處  
 彼諸一切普賢等  
 如一微細毛端處  
 於彼一一毛端處

悉有不可說眾生  
 猶尚不能令窮盡  
 有不可說諸普賢  
 說不可說不能盡  
 十方世界亦如是  
 置不可說諸佛刹

毛端能量虛空盡  
 於彼一一毛道中  
 有同類者不可說  
 於彼一一毛道中  
 以不可說莊嚴具  
 於彼一一毛道中

而說佛刹不可盡  
 種種無量諸佛刹  
 亦有異類不可說  
 有不可說淨佛刹  
 莊嚴彼彼諸佛刹  
 演出名身不可說



於彼一一諸名身 廣宣無量諸佛名  
 一一如來自身中 變化毛孔不可說  
 於彼一一毛孔中 出生異色不可說  
 於彼一一異色中 放妙光明不可說  
 於彼一一光明中 出寶蓮華不可說  
 於彼一一寶蓮華 各有寶葉不可說

於彼一一寶華葉 有微妙色不可說  
 於彼一一妙色中 出生蓮華不可說  
 於彼一一蓮華中 各放光明不可說  
 於彼一一光明中 出生淨月不可說  
 於彼一一諸月中 復出淨月不可說  
 於彼一一淨月中 出淨光明不可說

於彼一一光明中 出不可說明淨日  
 於彼一一諸日中 出不可說淨妙色  
 於彼一一妙色中 出不可說淨光明  
 於彼淨妙光明中 出不可說師子座  
 不可言說莊嚴具 出不可說淨光明  
 於彼一一光明中 出不可說異妙色

於彼一一妙色中 出不可說明淨寶  
 於彼一一明淨寶 出不可說不可說  
 金剛寶藏如須彌 清淨具足而莊嚴  
 於彼一一須彌中 有不可說不可說  
 微妙殊特諸佛刹 清淨具足而莊嚴  
 如此一一寶須彌山 一切須彌亦如是

悉有無量不可說 具足清淨諸佛刹  
 是不可說不可說 皆悉分別不可說  
 攝取不可言說轉 出生光明不可說  
 於彼一一光明中 出生諸佛不可說  
 彼諸一切如來等 說不可說清淨偈  
 彼偈悉於念念中 說不可說真實諦

小現一切未來際 如來智慧無窮盡  
 彼諸一一如來等 出不可說梵音聲  
 於彼一一梵音中 轉不可說淨法輪  
 於彼一一法輪中 雨不可說修多羅  
 於彼一一修多羅 分別諸法不可說  
 於彼一一諸法中 又說諸法不可說

又復於彼諸法中  
 又於一一毛道中  
 如彼一微毛端處  
 不可稱說無礙心  
 彼諸一一化如來  
 彼諸一切所變化

說衆生依不可說  
 不可說劫說正法  
 一切十方亦如是  
 變化諸佛不可說  
 所出變化不可說  
 遍遊佛刹不可說

不可稱說變化身  
 彼不可說佛世界  
 清淨一切衆生類  
 莊嚴莊嚴不可說  
 清淨自在不可說  
 神力自在不可說

種種妙色而莊嚴  
 分別一切諸衆生  
 度脫一切諸群生  
 成就神力不可說  
 應現衆生不可說  
 智慧境界不可說

不可稱說神力持  
 不可說淨方便法  
 於彼一一修多羅  
 於彼一一淨法中  
 於彼一一諸法中  
 於彼一一決定中

普轉世間令清淨  
 說修多羅不可說  
 攝諸佛法不可說  
 後說淨法不可說  
 說不可說決定法  
 說不可說衆生依

不可稱說種類法  
 不可稱說非類法  
 不可稱說非類根  
 彼悉能於念念中  
 不可稱說自在力  
 彼不可說應化時

不可稱說種類心  
 不可稱說非類心  
 不可稱說非類語  
 調伏衆生不可說  
 應現衆生不可說  
 或有同類不同類

菩薩皆悉分別知  
 菩薩於一毛端處  
 或有微細或廣狹  
 於彼一一佛刹中  
 菩薩皆悉分別知  
 一毛端處無量刹

諸明算者不能數  
 安置佛刹不可說  
 淨穢無量不可說  
 復有佛刹不可說  
 如是佛刹不可說  
 而於其中不迫迮

微小毛端亦不大  
 不令佛刹有雜亂  
 一佛刹有無量刹  
 一毛端處悉容受  
 佛刹形相不可說  
 入於一毫毛道中

悉容彌廣諸佛刹  
 形相如本而無異  
 一切佛刹亦如是  
 如虛空等無量刹  
 一毛端處各殊別  
 次第悉入不可說

毛道攝取不可說  
次第劫入不可說  
種種方便不可說  
具足攝取是方便  
菩薩深入不可說  
意根深廣不可說

毛道亦無究竟滿  
常能攝取不可說  
度脫衆生不可說  
境界無量不可說  
是名深入不可說  
遍遊諸方不可說

勇猛精進不可說  
彼諸大願不可說  
彼諸境界不可說  
菩薩身業不可說  
意業清淨不可說  
清淨智慧不可說

具足自在不可說  
所得功德不可說  
能究竟度不可說  
口業清淨不可說  
清淨解脫不可說  
微妙奇特不可說

方便深入不可說  
勇猛精進不可說  
甚深三昧不可說  
一切衆生不可說  
諸衆生身不可說  
彼諸業報不可說

除滅疑惑不可說  
深入正法不可說  
究竟彼岸不可說  
一切佛刹不可說  
衆生怖望不可說  
知衆生欲不可說

知衆生性不可說  
彼應化時不可說  
隨方便道不可說  
無上智慧不可說  
彼諸所說不可說  
如是成就大慈悲

分別衆生不可說  
隨所出處不可說  
彼諸出者不可說  
彼方便道不可說  
一切轉時不可說  
饒益一切諸世間

應現色像不可說  
菩薩智慧甚明淨  
所問正法不可說  
應現色像不可說  
往詣佛所不可說  
以不可說諸色像

遊諸佛刹不可說  
觀十方佛不可說  
諸佛應答不可說  
遊行諸方不可說  
示現自在不可說  
詣不可說如來所

以不可說供養具  
不可稱說清淨寶  
不可稱說妙華鬘  
彼深信心不可說  
正直怖望不可說  
成就施心不可說

供不可說諸如來  
不可稱說衆寶華  
供不可說諸最勝  
清淨解脫不可說  
恭敬供養一切佛  
過去施心不可說

修行布施不可說  
禁戒清淨不可說  
讚歎最勝不可說  
具足諸忍不可說  
成就寂滅不可說  
具足精進不可說

內外悉施不可說  
信心清淨不可說  
生妙法愛不可說  
深解無生不可說  
住寂滅地不可說  
過去妙心不可說

不退轉心不可說  
一切禪藏不可說  
寂靜定意不可說  
波羅蜜慧不可說  
決定解法不可說  
菩薩行門不可說

忍辱之心不可說  
觀察諸法不可說  
了知諸禪不可說  
成就三昧不可說  
究竟諸佛不可說  
具足諸願不可說

智慧境界不可說  
彼諸法力不可說  
菩薩正念不可說  
修行智慧不可說  
彼智慧身不可說  
彼淨法輪不可說

清淨法門不可說  
清淨住法不可說  
彼諸法界不可說  
善學智慧不可說  
住持智慧不可說  
彼法智慧不可說

彼妙法雲不可說  
彼諸神力不可說  
彼悉能於念念中  
成就迴向不可說  
諸佛刹海不可說  
分別佛刹不可說

彼妙法雨不可說  
解方便法不可說  
解深法界不可說  
於念念中遍遊行  
所詣諸佛不可說  
種種莊嚴不可說

莊嚴清淨不可說  
種種雜色不可說  
清淨佛刹不可說  
深入眾生不可說  
彼諸業報不可說  
種種諸根不可說

微妙淨色不可說  
眾莊嚴具不可說  
垢穢佛刹不可說  
眾生諸界不可說  
眾生所行不可說  
眾生虛妄不可說

眾生諸性不可說  
眾生威儀不可說  
眾生清淨不可說  
菩薩神力不可說  
隨順諸行不可說  
示現自在不可說

眾生欲樂不可說  
眾生煩惱不可說  
調伏眾生不可說  
所變化身不可說  
度脫眾生不可說  
放大光明不可說

問六

十四

光明妙色不可說  
彼於一一毛端中  
光明網色不可說  
勇猛精進不可說  
寂靜三昧不可說  
清淨身業不可說  
令衆生淨不可說  
放光明網不可說  
普照佛刹不可說  
成就無畏不可說  
調伏世間不可說  
清淨口業不可說

意業無量不可說  
成就智寶不可說  
諸陀羅尼不可說  
音聲清淨不可說  
真實正念不可說  
菩薩所行不可說  
清淨勝行不可說  
深入法界不可說  
菩薩善學不可說  
智慧知音不可說  
持衆生語不可說  
正覺清淨不可說

離衆恐怖不可說  
不可稱說真佛子  
讚歎佛子不可說  
不可稱說諸導師  
彼諸菩薩不可說  
彼諸分齊不可說  
調伏世間不可說  
彼清淨行不可說  
欲究竟盡不可說  
讚歎菩薩不可說  
清淨功德不可說  
隨彼所住不可說

隨住智慧不可說  
樂見諸佛不可說  
求度正法不可說  
正觀三世不可說  
彼所稱量不可說  
菩薩勝行不可說  
不可說劫不能說  
長養智慧不可說  
離礙正法不可說  
三世智慧不可說  
出生智慧不可說  
種種所願不可說

清淨所願不可說  
諸佛菩提不可說  
分別真實不可說  
清淨佛刹不可說  
彼所修習不可說  
廣說正法不可說  
具足菩提不可說  
彼起智慧不可說  
知一切法不可說  
所行諸力不可說  
一念開悟不可說  
諸佛自在不可說

踊躍歡喜不可說  
轉妙法輪不可說  
所說正法不可說  
不可稱說一切劫  
彼諸大劫猶可盡  
不可稱說諸如來  
示現世間不可說  
離衆怖畏不可說  
度脫衆生不可說  
讚歎菩薩諸功德  
讚歎功德不可盡  
各有無量清淨根

不可說劫常讚歎	如來功德猶不盡
一切十方諸眾生	皆悉一時成正覺
彼諸正覺一一有	不可稱說淨妙身
彼淨妙身一一有	不可稱說如來頭
彼如來頭一一有	不可稱說廣長舌
彼廣長舌一一有	無量清淨妙音聲
以彼一一妙音聲	不可說劫讚歎佛
不可稱說一切劫	宣揚讚歎佛功德
不可說劫猶可盡	歎佛功德無窮盡
若於一小微塵中	有諸佛刹不可說
於彼一一佛刹中	各有賢首不可說
彼此修習不可說	一念開悟不可說
賢首如來佛刹中	復有佛刹不可說
一切法界無有餘	其中所有諸微塵
於彼一一微塵中	佛刹成敗不可說
於彼一一微塵中	安置佛刹不可說
復置刹海不可說	分別方類不可說
於彼一一佛刹中	不可稱說諸如來

彼諸如來所壽命	不可稱說諸大劫
諸佛所行不可說	微妙正法不可說
威神道力不可說	離障礙智不可說
微妙智慧不可說	境界甚深不可說
十力功德不可說	佛覺菩提不可說
清淨深入不可說	清淨法界不可說
彼智慧藏不可說	分別功德不可說
菩薩究竟正隨順	具足迴向不可說
分別無量諸迴向	迴向一切諸導師
不可稱說諸大劫	一心正受諸三昧
於不可說諸佛所	所行清淨不可說
得不可說無礙心	悉遍遊行十方界
所修行業不可說	神力應現不可說
分別佛刹不可說	諸佛現前不可說
勇猛精進不可說	究竟智慧不可說
未曾離於一坐處	而能遍遊十方界
不可稱說諸大劫	遍遊十方諸佛刹
智慧方便不可說	如實智慧不可說

轉淨智慧不可說 念念示現不可說  
於諸一一語言中 解佛智慧不可說  
或於一時覺菩提 或種種時覺菩提  
入諸毛端不可說 入諸微細不可說  
殊特勝性不可說 見諸如來不可說  
一一方便不可說 隨順善入諸佛性

諸佛刹性不可說 悉能隨順入菩提  
不壞法界不可說 佛衆生刹不可說  
三世所攝不可說 菩薩究竟不可說

大方廣佛華嚴經卷第三十

問六

十七

資德天宮南莊等處行中書省左丞朱文壽同男顯祖等施財

命刊造

大藏經板子卷捨入平江路磧沙延聖寺永遠流通功德專為祝延

聖壽萬安

辛丑大德五年九月

日提調刊板僧 法雷 謹題

大方廣佛華嚴經 卷第三十一

問七

東晉 天竺三藏佛陀跋陀羅等譯

壽命品第二十六

爾時心王菩薩摩訶薩告諸菩薩言佛子如  
此娑婆世界釋迦牟尼佛刹一劫於安樂世  
界阿彌陀佛刹為一日一夜安樂世界一劫

後一劫

於聖服幢世界金剛如來佛刹為一日一夜  
聖服幢世界一劫於不退轉音聲輪世界善  
樂光明清淨開敷佛刹為一日一夜不退轉  
音聲輪世界一劫於離垢世界法幢佛刹為  
一日一夜離垢世界一劫於善燈世界師子  
佛刹為一日一夜善燈世界一劫於善光明  
世界盧舍那藏佛刹為一日一夜善光明世  
界一劫於超出世界法光明清淨開敷蓮華  
佛刹為一日一夜超出世界一劫於莊嚴慧  
世界一切光明佛刹為一日一夜莊嚴慧世  
界一劫於鏡光明世界覺月佛刹為一日一  
夜佛子如是次第乃至百萬阿僧祇世界最